

耗。^(三七)其先未通流，宜遣檢行，閉月修葺，使理有可通，必無擁滯。如此則發召匪多，爲益實廣，一爾慙勞，久安永逸。」詔從之，而未能盡行也。

孝文太和七年，薄骨律鎮將刁雍上表曰：「奉詔高平、安定、統萬、薄骨律鎮，今靈武郡。高平，今平涼郡。^(三八)安定即今郡。統萬，今朔方郡也。及臣所守四鎮，出車五千乘，運屯穀五十萬斛付沃

野鎮，以供軍糧。臣鎮去沃野八百里，道多深沙，輕車往來，猶以爲難。設令載穀二十石，每至深沙，必致滯陷。又穀在河西，轉至沃野，越渡大河計車五千乘，運十萬斛，百餘日乃得一返，大廢生人耕墾之業，車牛艱阻，難可全至，一歲不過二運，^(三九)五十萬斛乃經三年。

臣聞鄭、白之渠，遠引淮海之粟，汭流數千，周年乃得一至，猶稱國有儲糧，人用安樂。求於崦嵫山，^(四〇)在今平涼郡高平縣，今竿頭山，^(四一)語訛亦曰汭屯山，即崦嵫山。河水之次，造船二百艘。二船

爲一舫，一船勝穀二千斛，^(四二)一舫十人，計須千人。臣鎮內之兵，率皆習水。一運二十萬斛，方舟順流，五日而至，自沃野牽上，十日還到，合六十日得一返。從三月至九月三返，運送六十萬斛。計用人工，輕於車運十倍有餘，不費牛力，又不廢田。」詔曰：「知欲造船運穀，一冬即成，^(四三)大省人力，既不費牛，又不廢田，甚善。非但一運，自可永以爲式。」

隋文帝開皇三年，以京師倉廩尚虛，議爲水旱之備，詔於蒲、陝、虢、熊、伊、洛、鄭、懷、^(四四)邵、衛、汴、許、汝等水次十三州，^(四五)熊州，今福昌縣。伊州，今陸渾縣。邵州，今絳郡垣縣。餘並今郡。置